

明紅絲
欄鈔本

百

家

詞



金谷遺音目錄

水調歌頭

寶鼎現

眼兒媚

臨江仙

鷓鴣天

卜竿子

鷓鴣天

漁家傲

洞仙歌

念奴嬌

醉落魄

醜奴兒

西江月

鷓鴣天

望海潮

虞美人

水龍吟

長相思

品令

點絳脣

玉樓春

西地錦

朝中措

院郎歸

滿江紅

浪淘沙

勝勝慢

憶秦娥

菩薩蠻

惜奴嬌

江城子

如夢令



亭前柳

好事近

夜行船

首二

茶餅兒

西江月

望海潮

清平樂

一剪梅

浣溪沙

首四

謁金門

水調歌頭

杏花天

首五

南歌子

武陵春

好事近

首六

減字木蘭花

柳梢青

烏夜啼

首二

愁倚闌

滿庭芳

更漏子

首二

首四

首二

木蘭花

踏莎行

行香子

首二

畫堂春

攤破浣溪沙
燕歸梁

望江南

青玉案

蝶戀花

首三

驀山溪

千秋歲

傳言玉女

首三

金谷遺音

石孝友次仲

水調歌頭送張左司

君恩九鼎重臣命一毫輕出身事主剛甚須作不平
鳴老却西山薇蕨閑損南窓松菊羞死漢公卿豺狼
敢橫道草木要知名 秋已素人又去若爲情長沙
何在風送嗚咽暮潮聲舉棹却尋歸路揮塵莫談時
事得酒且頻傾一片古時月千里伴君行

寶鼎現

上元上江西劉樞密

雪梅清瘦月桂圓冷天街新霽想帝輦三朝薄暮催
促燭龍開扇雉正拜舞捧玉卮爲壽花滿香鋪鳳髓
罄禹穴胥濤萬頃春入南山聲裏鼎軸元老詩書帥

體宸衷雙奉親意勤色養行春惜花夜懽宴瑤池衣
綵戲鼓淑氣遍湖山千里驚破慳紅溢翠笑卮箇癡
兒無賴打淲金魚墜地休念太平當年曾手把青藜
照字對珠簾雲棟收拾歌舞輟慶母愛小寬王事餘
瀝腸看不日歸步沙堤又贊重華孝治

眼兒媚

何須着粉更施朱元不在粧梳翠常結束珊瑚環珮
短短裙襦花羞柳妬空撩亂冰雪做肌膚而今便
好小名弄玉小字瓊奴

又

愁雲淡淡雨瀟瀟暮暮復朝朝別來應是眉峯翠減
腕玉香銷小軒獨坐相思處情緒好無聊一叢萱

草幾竿脩竹數葉芭蕉

臨江仙

一霎狂雲驚雨過月華恰
到簾幮檻前疊石翠參差
洞房相見處燈火乍涼時
睡玉眠花愁夜短恁恁
共惜佳期風梧不動酒醒遲
好同蝴蝶夢飛上鳳凰
枝

又

醉袖吟鞭行色裏帽簷低處
風斜晚山一半被雲遮
殘陽明遠水古木集栖鴉
暮去朝來緣底事不如
早早還家曲屏深幌小窻紗
翠沾眉上柳紅搵臉邊
花

又

買笑當歌何處好小樓回面江山玉梅枝上卸餘寒
雨隨春到急風向晚來顛任自腰圍都瘦損肯教
懽意闌珊引杯相屬莫留殘花如人競好人與月事
圓

又

枕上鶯聲幼破睡峭寒輕透簾幃起來惆悵有誰知
雨狂風轉急揉損好花枝薄倖別來春又老等閑
悞却佳期斜陽影裏立多時遠山何事相對蹙脩眉

又

常記夢雲樓上住殘燈影裏遲留依稀綠慘更紅羞
露痕雙臉泪山樣兩眉愁數片輕帆天際去雲濤
煙浪悠悠今宵獨宿古江頭水醒魚菜市風碎荻花

洲

鷓鴣天

收拾眉尖眼尾情
當筵相見便相親
偷傳翡翠歌中意
暗合鴛鴦夢裏身
雲態度月精神
月流雲散兩無情
覺來一枕淒涼恨
不敢分明說向人

又

收拾眉尖眼尾情
夜來真箇夢傾城
鴛鴦有底情難
盡蝴蝶無端夢易驚
愁一掬月三更
綉幃應好睡輕盈
盈知他莫有相憐分
展轉尋思直到明

又

別後應憐信息疎
西風幾度到庭梧
夜來縱有鴛鴦夢
春去空餘蛺蝶圖
煙樹遠塞鴻孤
垂垂天影帶平

蕪憑誰寫此相思曲寄與馮川鄭小奴

云金陵小道姑

又

家在東湖湖上頭別風來月爲誰留落霞孤鶩齊飛
處南浦西山相對愁真了了好休休莫教辜負菊花
秋浮雪富貴何須羨盡餅聲名肯浪求

又

花漏聲乾月隱墻瑣灰迎曉透新陽物情漸逐雲容
好懽意偏隨日脚長山作昂玉爲漿壽杯棗處豔梅
粧醉鄉路接華胥國應夢朝天侍赭黃

又

玉燭調元叅律均迎長嘉節屬芳辰雲如惜雨鈞牽
雪梅不禁風漏泄春天意好物華新偷閑羸取酒邊

身太平朝野都無事且與鶯花作主人

又

一夜冰漸滿玉壺五更喜氣動洪爐門前桃李如鱗
集庭下芝蘭看鯉趨泉脉動草心蘇日長添得繡工
夫試詢補袞彌縫手真箇曾添一線無

又

一別音塵兩杳然不堪虛度菊花天驚秋遠鴈橫斜
字噪晚哀蟬斷續絃好將息惡因緣涼宵如水復如
年夢魂不怕風波險飛過江西阿那邊

又

屏幃重重翠幕遮蘭膏煙煖篆香料相思樹上雙栖
翼連理枝頭並蒂花歌鳳髻鞦韆烏紗雲慵雨困只無

涯箇中羸取平生事
兔走烏飛一任他

卜筮子

人自葉宮來微步香雲擁
小試樽前白雪歌
葉葉秋聲動
一剪艷波橫
兩點愁山重
收拾眉尖眼尾情
作箇鴛鴦夢

又

見也如何暮別也如何遽別也
應難見也離後會難
憑據去也如何去住也
如何住住也應難去也
難此際難分付

又

折得月中枝坐惜青春老
及至歸來能幾時
又踏關仙道
滿眼秋光好
相見應須早
若趨重陽不到家

只怕黃花笑

又孟撫幹歲寒三友屏風

冷蘂闕紅香瘦節攢蒼玉更着堂堂十八翁取友三人足
惜此歲寒姿移向屏山曲紙帳熏爐結勝緣
故伴仙郎宿

鷓鴣天
旅中中秋

露葉披殘露顆傳明星着地月流天不辭獨賞窮
今夜應爲相逢憶去年辜窈窕負嬋娟誰知兩處照孤
眠姮娥不怕離人恁有甚心情獨自圓

又冬至上李漕

萬里羈孤困一簞平頭四十誤儒冠舜絃廣播薰結
爓鄒律潛消黍谷寒樓謾倚劔休彈看君行復上金

鑿鳳池波裏求餘潤
蚘肆泥中豈久蟠

漁家傲

送李惠言徐元集赴試南宮

射虎將軍搴綉帽
西團公子南山豹
共跨龍媒御鳳沼
風色好宮花御柳
迎人笑
劍履醒醒天日表
集英殿下春來早
雙鷄盤空擎百鳥
歸來了藍袍錦水
光相照

又

夜半潮聲來枕上
擊殘夢破驚魂蕩
見說錢塘雄氣
象披衣望碧坡
堆裏排銀浪
山月影徘徊
天滉漾
金戈鐵馬森相向
洗盡塵根磨業障
增豪放
從公筆力
詩詞壯

洞仙歌

美容院宇露下秋容瘦龜鶴仙人獻長壽問蓬山別
後幾度春歸歸去晚開得蟠桃斲句人閑游戲好
鯨背風高邠更相將鳳雛九事嶺繁工翰墨才德兼
全人揔道古今稀有儘從他烏兔促年華看綠鬢朱
顏鎮長依舊

念奴嬌

上洪帥王予道生辰正月十六日用東坡韻

半千寶運瑞清朝誕育人間英物暖律吹灰春到也
遲日光騰東壁婺女雙溪沈郎八詠輝映皆冰雪儲
精毓秀幾年一箇人傑須信和氣隨人粉梅欺黛
柳嬌春爭發翠幙重重稱壽處蓮炬蕙煙明滅鼎席
猶虛九重頻念此衮衣華髮明年今夜鳳池應醉花
月

又

悶紅顰翠惜流年忍對艷陽時節白玉樓成人去後
兩地音塵都絕鸞鑑分飛夢雲零亂懽意今衰颯墨
痕紅淡憶曾題遍紅葉 須信後約難憑臂齒髮剪
也只成虛設滿眼淒涼無限事付與了香愁結欲語
情酸臨歧步懶悵望蘭舟發出門誰伴淚昏一

片孤月

又

平湖閣上正殘虹挂雨微雲擎月萬頃琉璃秋向冷
忍便翠銷紅歇北海樽壘西園蔣宴吳逸湖山發飛
塵不到坐移蓬島珠闕 莫獸笑口頻開少年行樂
事轉頭胡越公子多情真愛客敢憚深杯百罰太一

舟輕芙蓉城鎖醉指神仙窟乘風歸去儘教吹亂華
髮

又

平湖閣上正雌霓將捲雄風初發醉倚危欄吟眺處
月在蓬萊溟渤葉香浮桂華光放翻動蛟鼉窟踏輪
誰信宓妃曾借塵鞮人世景物堪悲等閑都換了
朱顏雲髮遙想廣寒秋到早閑著幾多空闊太白詩
魂玉川風腋自有飛仙骨常娥爲伴夜深同駕霜月

又上德安王文甫生辰

麥秋天氣正玉杓幹暑薰絃鳴律浴佛生潮初過也
還數佳辰三日筮水呈祥夢熊叶慶寶運符千一太
平朝野異人端爲時出須信家世蟬聯乃翁遺範

在子孫逢吉霧隱巢雲聊寄傲行矣飛英騰實瀑布
泉清爐峯氣秀光映霞觴溢萱堂爭看綠衣紅墮雙
橘

醉落魄

友鶯夢蝶尋花問柳深相結教春去後群芳歇零落
朋游辜負好時節眼邊愁緒多於髮迢迢一水通吳
越舊懽新恨都休說坐煖殘紅况醉碧天濶

又

鸞孤鳳隻而今怎忍輕拋擲知他別後誰憐惜一味
恹惶辜負我思憶

雲山萬疊煙波急短書頻寄征鴻翼相逢後會知何
日去也奴哥千萬好將息

又

空庭草積吹花風去春無迹
鎖鸞深處應相憶
紅染羅巾顰損眉山碧

曲屏塵暗雙鸚鵡醉衾不煖
爐煙濕一簾
暝色人孤
寂夢裏燈殘心上雨聲滴

又

紅嬌翠弱恁人珠淚頻偷落
歸期莫負青牋約
雨斷雲銷
恁是初情薄
夜深秋氣生
簾幕半衾依舊空
閑却故人何處孤舟泊
兩岸秋聲一夜風濤惡

醜奴兒

次韻何文成燈下鏡中挑花

菱花鏡裏桃花笑
清影團團月
淡風寒
深夜移燈許
細觀
武陵溪上當時事
何處飛鸞淚
紙驚瀾
飄盡

紅英不忍看

西江月

歌徹秋娘金縷醉攀織女雲車而今誰復薦相如拔
劍茫然四顧好景憑詩斷送閑愁着酒消除鏡中
絲髮莫驚呼春浦珠簾綉戶

又

奈

脉脉無端心事厭厭不奈春醒越羅衫薄峭寒輕試
問幾番花信萬點風頭柳絮數聲柳外啼鶯斜陽
還傍小窓明門掩黃昏人靜

鷓鴣天

慶徐元壽生子

六十仙翁抱桂栽果符言夢誕英才上天與降麒麟
種明月還生蚌蛤胎華閣啓玳筵開伏呼玉手捧金

壘要知遠地無功客曾到高作賀來

踏莎行

沉水銷紅屏山掩素鎖窓醉枕驚眠處菱荷香裏散
秋風芭蕉葉上鳴秋雨飛閣愁登倚闌凝竚孤鴻
影沒江天暮行雲懶寄好音來斷雲暗逐斜陽去

望海潮

離情冰泮歸心雲擾醜然凝竚江臯柳色搖金梅香
弄粉依俛滿眼春嬌常記極遊遨更與持玉笋因解
金貂郎去瞿塘妾家巫峽水迢迢別來暗減風標奈
碧雲暗斷翠被香銷春草生池芳塵疑榭淒涼月多
花朝千里夢魂勞但鳥啼渡口猿響山椒擬把無窮
幽恨萬疊寫霜綃

虞美人

醉尋芳草城頭路底事頻疑竚麗譙直下小層樓鴛
瓦重重勻砌幾重愁睡紅顰翠春風面咫尺無由見
從教笑語落簷楹圖得香閨依約認郎聲

又

月娥弄影當窓照疑是巫山曉芙蓉帳裏睡魂驚淺
拂輕勻猶恐已天明高樓未放梅花弄却就鴛衾擁
舞腰纖瘦不禁春姿意任郎撩亂一梳雲

水龍吟

舊遊曾記當年鳳城雨露開晴晝端門發鑰御爐煙
暗宮花影覆帝念民勞俾乘軺傳暫臨牛斗散陽和
照春光萬井來小試調元手 職業才華競秀漢廷

臣無出其右九重眷倚頻虛槐昇爭迎袞繡爽氣西
山綠波南浦釀成芳酒趣鋒車未到霞觴共祝百千
長壽

長相思

你又癡我又迷到此癡迷兩爲誰天天天怎知長
相思極相思願得因緣未盡時今生重共伊

又

紅依稀綠依稀寒勒花梢開較遲蝶魂空自迷怕
人疑便人疑人道閑愁相未知歌眉因甚低

又

蝶團飛鶯亂啼陌上花開人未歸碧臺歌舞稀月
入扉風滿惟坐到黃昏人靜時清愁君不知

又

樹槎牙冰交如令艷踈踈瘦影斜幾枝梅放花
一涯語三義已是情困無力幾度偎人翠頰紅濕低
低問

你也自家

寧耐我也自家將息驀然地煩惱一霽景澄秋晚風
吹盡朝來雨夕陽煙樹萬里山光暮一帶長川自
在流今古人何處月波橫素冷浸兼葭浦

又

緩解羅裳十分鴛衾低腰素冰香微度一罇殷紅露
風折芳蓮影落盆池去多羞處怕人偷覷粉面頻回
顧

又
對對又門深
着意栽銀砌成葉葉蓮花舫醉霞搖蕩恰似凌波樣
自笑平生鯨吸供陂量孤心賞不如深愧一搦酬千
想

又

揚柳腰支春來尚怯銖衣重眼波偷送笑把花枝弄
雨帳雲屏一枕高唐夢春情動帶人嬌縱困鞦韆橫
鳳

又

醉倚危檣望中歸思生天際山腰渚尾幾簇漁樵市
帆落西風一段蘆花水八千里錦書欲寄新鴈曾來
未

又

日薄風遲柳眠無力花枝妥燕樓空鎖好夢誰驚破
寒食清明又等閑都過愁無那淚珠頻墮酒盡相思
顆

玉樓春

小挑破畫風前萼草草年華闌過却十分清瘦有誰
知一點相思無處着書憑鴈字應難說花與淚珠相
對落萬紅千翠儘春光若比比情猶自薄

又

春生澤國芳菲早樓外墻陰聞語笑東君著意到西
園點破施朱渾未了楚雲暮合吳天杳天色沉沉雲
擾擾洞門深閉月輪孤不見當時張好好

又

風光澹池雲容粹點染園林添况味花間照夜簇紅
紗柳外踏青搖絲旆芳時不分空憔悴抖擻愁懷賒
樂事羅衫一任沈塵泥拚了通宵排日醉

又

扁舟破浪鳴雙櫓歲晚客心分萬緒香紅漠漠落梅
村愁碧萋萋芳草渡漢臯珮失誠相誤楚峽雲歸無
覓處一天明月缺還圓千里伴人來又去

又

井花煖處新陽動節物撩人忝恹寒蘂冰齒暈輕
漸敗絮粟肌慳短夢文章徹了成何用悶揆爐灰窺
飢甕尋思已得到春時預把五窮連夜送

又冬日上江西漕魯大卿

漢皇受禪新堯統
沼躍潛魚儀舞鳳
五雲色備觀臺
書萬世功成賢相用
江湖襟帶蠻荆控
摩撫民勞輸
土貢願傾石尉望
塵心來獻魯侯難
老頌

又

一陽不受群陰壅
殘曆行間冬破仲
雲低吹白臍寒
濃梅小綻紅春意
重湖山千里勤飛
控淑氣冲融披
冰凍突携雨露洒
民心暗聚精神交
帝夢

又

黃鍾應律扶炎統
舜日迎長佳節用
絹娟芳意著花
梢盎盎煖香浮酒
甕壽觴喚取纖纖
捧雨歇珠簾雲
逸揀具來具伴
橘中仙歸去却
聯池上鳳

又

臺門瑞靄光陽動人語鼓聲沉沟沟觀風堂迥暗香
飄捲雨樓前寒翠擁鋒車促入承天寵丹詔銜來須
彩鳳五絲宮線日邊長看補巖廊龍袞縫

西地錦

回望玉樓金闕正水遮山隔風兒又起雨兒又煞好
愁人天色 兩岸荻花楓葉爭舞紅吹白中秋過也
重陽近也作天涯行客

朝中措

亂山疊疊水冷冷南北短長亭客路如天杳杳歸心
能地寧寧 春光荏苒花期冷落酒伴飄零鬢影黃
邊半白燒痕黑處青

阮郎歸

燭花吹盡篆煙青
長波拍枕鳴西風
吹斷鴈鴻聲
離人夢暗驚
鄉思動旅愁
生誰知此夜情
亂山重疊
擁孤城
空江月自明

滿江紅

鴈陣驚寒
故喚起離愁
萬斛
因追念鏡鸞易破
鳳絃難續
詩句已憑紅葉去
夢魂未斷黃梁熟
歎浪萍風梗
又天涯成幽獨
歸來引相思曲
塵滿把淚盈掬
對長天遠水
落霞孤鶩
謾立盡西風
無好意
遙山也學雙眉蹙
恨草根不逐鬢根
催秋更綠

浪淘沙

好恨這風兒
催俺分離船兒
吹得去如飛
因甚眉兒

吹不展肘耐風兒不是這船兒載起相思船兒若念
我孤恁載取人人蓬底睡感謝風兒

勝勝慢

花前月下好景良辰厮守日許多時正美之間何事
便有輕離無端珠泪暗簌染征衫點點紅滋最苦是
慇懃密約做造相思 咿啞櫓聲離岸魂斷處高城
隱隱天涯萬水千山一去定失花期東君闔來無賴
散春紅點破梅技病成也到而今著箇甚鑿

憶秦娥

秦樓月秦娥本是秦宮客秦宮客夢雲風韻借仙標
格相從無計不如休如今去也空相憶空相憶尊
前懽笑夢中尋覓

菩薩蠻

酒濃花艷秋波滑舞餘腰素花枝活相見又還休不
禁歸去愁 醉衾成獨擁月冷知霜重早是夢難成
梅花腸斷聲

又

雪香白盡江南隴暖風綠到池塘夢疊影上簷明夜
湖春水生 踏青何處去揚柳橋邊路不見浣花人
汀洲空白蘋

又

花銷玉瘦斜平薄舞衣寬盡腰如削因甚不勝嬌烏
雲橫鬢翅翹雙娥顰淺黛鸞鏡愁空對羅袖晚香寒
淚珠和粉彈

惜奴嬌

我已多情更撞著多情底你把一心十分向你盡他
門劣心腸偏有你共你風了人只爲箇你宿世冤
家百忙裏方知你沒前程阿誰似你壞却才名到如
今都因你是你我也沒星兒恨你

又

合下相逢算鬼病須沾惹間深裏做場話霸負我看
承枉馳我許多時價冤家你教我如何割捨苦苦
孜孜獨自箇空嗟訝使心腸捉他不下你試思量豪
從前說風話冤家休直教人呪罵

江城子

青青楊柳水邊橋水迢迢柳搖搖緩引離觴頻駐木

蘭橈我是行人君是客俱有恨揔無聊
水澌波暖數瓊瑤舞晴飈拂春潮一片別魂銷
盡遣誰招不似嚴陽山上雪魂易盡雪難銷

又

相逢執手也踟躕立斯須語區區借問時來曾見
人無忍淚啼痕香不減雖少別忍輕辜
霜風搖落歲將徂景凋疎恨縈紆過盡行雲
我在與誰居一掬歸心飛不去層浪疊片鱗孤

如夢令

照水粉梅開盡春殘峭寒猶甚秋氣著人衣斗帳玉
兒生暈那更那更簾外月斜風橫

又

風獵亂香如掃又是粉梅開了庭戶鎖殘寒夢斷池
塘春草情悄悄情悄悄簾外數聲啼鳥

又

折寄隴頭春信香淺綠柔紅嫩插向鬢雲邊添得幾
多風韻但問但問管與玉容相稱

亭前柳

有件俚遮筭好事大家都知被新冤家罨索後沒別
底似別底也難爲識盡千千并萬萬那得恁海底猴
兒這百十錢一箇渰性命不分付待分付與誰

好事近

幸自得人情只是有些脾驚引殺俺時直甚損我兒
陰德情知守定沒乾休乾休冤俺急今夜這回除

是有翹兒飛得

夜行船

昨日特承傳誨欲相見柰何無計這場煩惱捻著豪
曉夜價求天祝地教俺兩下不存濟你莫却信人調
戲若還真箇肯收心厮守着快活一世

又

漏永迢迢清夜露華濃洞房寒乍愁人早是不成眠
柰無端月窺窻罅心心念念都緣那被相思悶損人
也冤家你若不知人這權娛自今權罷

茶餅兒

相對盈盈一水多聲價開名得自副能見也還拋弃
負了萬紅千翠留無計來無計成何況味而今若沒

些兒事却枉了做人一世

西江月

拽盡風流露布築成煩惱根基早知愁地淺情時枉
了教人恁地 惜你十分擱就把人一味禁持這回
斷了更相思比似人間沒你

望海潮

元日上都運魯大卿

雲龍雙輔匣龍雙起當年楚尾吳頭借月命卿占星
分使來寬俗察君憂繡指屈儒流暫輟北闕小試南
州協奏薰風霈為霖雨歲登秋 春正點綴芳柔正
梅凝笑臉擲弄青眸栢葉薦觴椒花載頌休亂秉燭
嬉遊乃春在宸旒更德標銀管名覆金甌共看朝天
路穩歸拜富民侯

清平樂 送同舍周智隆

惱花風雨斷送春將暮底死留春春不住那更送春
歸去 今朝且賦歸歟明年春滿皇都共汎桃花錦
浪與君同醉西湖

又

天涯重九獨對黃花酒醉撚黃花和淚嗅憶得去年
携手 去年同醉流霞醉中折盡黃花還是黃花時
候去年人在天涯

又

見時憐惜不見時思憶花柳光陰都瞬息把光陰虛
擲 才郎妾貌相當有些似欠商量看你忔憎模樣
更須著我心腸

又

醉紅宿翠髻，鞦韆烏雲墜。管是夜來不得睡，那更今朝早起。春風滿搦腰支，堦前小立多時。恰恨一番雨過，想應濕透鞋兒。

又

山明水嫩，瀟灑桐廬郡。極日風煙無限景，說也如何得盡。自恰俗狀塵容，幾年斷梗飄蓬。借使嚴陵知道，祇應笑問東風。

又

霽光搖目，春入郊原綠。殘雪壓枝堆爛玉，特聞枝間款款。瘦藤細履，平沙醉巾，一任歌斜落日。數聲啼鳥，香風滿路，梅花。

一剪梅 送晁駒父

萍水相逢無定居同在他鄉又問征途離歌聲裏客
心孤花盡園林水滿江湖 煙樹微茫帶岸蒲何處
長沙何處洪都要知安穩到家無千里征鴻一紙來
書

浣溪沙

宿醉離愁慢髻鬟 韓僮緣殘紅豆憶前權 叔原錦江
春水寄書難 叔原紅袖時籠金鴨煖 少游小樓吹徹
玉笙寒 李璟為誰和淚倚闌干 中行

又

柳岸梅溪春又生 風枝斜裏雪枝橫 空牽歸興惹離
情 灰盡寸心猶自熱 淚承雙睫不能晴 夢雲樓隔

豫章城

又

迎客西來送客行
堆堆歷歷短長亭
殢人殘酒不能醒
煙染暮山浮紫翠
霜凋秋葉復丹青
憑誰圖寫入銀屏

又

幾曲屏山數幅波
鴈聲斜帶夕陽過
卸帆聊醉菊花坡
旅枕夢魂歸路遠
秋江風緊夜寒多
薄情還解憶人麼

謁金門

歸不去歸去又還春
暮洞裏小桃音信阻
幾番風更雨
相伴竹筇芒屨穿盡
松溪花塢早是行人
貪道路

聲聲聞杜宇

又

雲樹直雨歇半空猶濕山影插尖高幾尺依依銜落日
遠岸雙飛鷓鴣一水無情自碧颯颯白蘋風正
急斷腸人獨立

又

春睡重睡起煙銷鸞鳳着雨柳絲吹易動風簾花影
弄過鴈空勞目送縱有音書何用有意相思無意
共不如休做夢

又

風又雨斷送殘春歸去人面桃花在何處綠陰空滿
路立馬垂楊官渡一寸柔腸萬縷回首碧雲迷洞

府杜鵑啼日暮

又

山雨絕山重冷如冰雪窓外芭蕉三兩葉影排窓上
月 醉枕驚回蝴蝶好夢無人共說心事悠悠芳草
歇不眠聽鼠啮

水調歌頭

上清江李中生辰

清霜洗空闊黍管吹秋灰七竇餘翠半月流素影排
徊天遣蟠根仙李世折一枝丹桂積慶到雲來風骨
峭冰玉談辯屑瓊瑰 黃閣老閨金彥謫仙才小分
銅竹遍洒雨露楚江隈好把蕭灘玉筍變作嘉肴芳
酒爲壽莫停杯飛照下霄漢調鼎待益梅

又 趙伴生辰

蕭灘韻環珮玉竒燦玲瓏仙源積慶當日占夢兆維
熊學業肯先歆向文燄已高白賀飛步更蟾宮秀色
溢眉宇雄辨倒心胃作兒戲為親壽捧霞鍾彩衣
搖曳光映懷橘墮雙紅正好平分風月且伴能言挑
李鯨汲海濤決行赴紫泥詔歸拜黑頭公

又

男兒四方志豈久困泥沙束書匣劍依舊旅食在京
華蹭蹬青雲未遂奔走紅塵何計歛衽且還家草木
漸黃落風月正清嘉友猿鶴宅丘壑樂生涯幾時
雷雨轟磕平地起龍蛇尺箠可鞭夷狄寸舌可盍社
稷無路踏雲車今古萬千事洒淚向黃花

又

美人在何許相望正悠悠雲窻霧閣遙想宛在海中
洲空對殘雲冷雨何限重山疊水一夢到無由遺怨
寫紅葉薄倖記青樓金烏擲玉蟾缺物華休鳳梧
皆并一夜風露各驚秋唯有遠山無賴淡掃一眉晴
綠特地向人愁歛袂且歸去回首漫遲留

又

高情邈雲漢長揖謝君侯脫遺軒冕歟弄泉石下清
幽心契匡廬猿鶴淚染固陵松栢一衲且蒙頭風月
感平髮魂夢逸神州漾一葉橫孤管去來休琵琶
亭畔正是桃葉荻花秋點檢詩囊酒挽擡帖舞裯歌
扇收盡兩眉愁回望碧雲合相伴赤松遊

杏花天借朱希真韻送司馬德遠

把杯莫唱陽關曲行客去居人恨跼屏山似展江如
簇不見罇前醉玉鶻啼處怨聲裂竹問後夜蘭舟那
宿帛書早繫征鴻足腸斷絃孤怎續

南歌子

蟻酒浮明月鯨波沆落星春花秋葉幾飄零只有廬
山君眼向人青明日非今日長亭更短亭不辭一
飲盡雙筍爭柰秋風江口酒初醒

又

草色裙腰展冰客水鏡開又還春事破寒來一夜東
風吹綻後園梅糯甕籩香釀薰爐續麝煤休驚節
物暗相催羸取大家沉醉探春杯

又

鳳髻斜分翠鴛鞋小
砑紅東君著意綺羅叢
最好一枝特地怨春風
懊恨無情語嬌羞忍
笑容相看疑是夢魂中
怕逐飛雲歸去斷行蹤

又

疇昔飛鸞侶而今斷鴈行
西風嶺外下斜陽無賴一
鈎新月掛人腸雙淚沾襟袖
孤燈對客床枕餘衾
剩只殘香別得嬌癡不睡也思量

又

春淺梅紅小山寒嵐翠薄
斜風吹雨入簾幕夢覺南
樓嗚咽數聲角歌酒工夫懶
別離情緒惡舞衫寬
盡不堪著若比那回相見更消削

又

亂絮飄晴雪殘花綉地衣西園歌舞驟然稀只有多情胡蝶作團飛
舊事深琴怨新愁減帶圍倚樓凝望更依依怕見一天風雨捲春歸

武陵春

走去走來三百里五日以爲期六日歸時已是疑應是望歸時
鞭筒馬兒歸去也心急馬行遲不免相煩喜鵲兒先報那人知

好事近

微雨洒芳塵醞造可人春色聞道夢雲樓外正小挑花發
慙慙留取最繁枝樽前待閑折準擬亂紅深處化一雙蝴蝶

減字木蘭花

贈何藻

新荷小小比目魚兒翻翠藻小小新荷點破清光景
趣多 青青半捲一寸芳心渾未展待得圓時罩定
鴛鴦一對兒

又

空堦雨過細草搖搖光入座斜日多情戀戀幽窓故
故明 沉吟無語立遍梧桐庭下樹病葉先秋零亂
風前片段愁

又

角聲催曉斗帳美人初夢覺黛淺粧殘清瘦花枝不
柰寒 匆匆睡起冷落餘香栖翠被何處陽臺雨散
雲收猶未來

柳梢青

雲髻盤鴉眉山遠翠臉暈微霞燕子泥香鵝兒酒悞
曾見來那秋光已著黃花又恰恨尊前見他越樣
風流惱人情意真箇冤家

烏夜啼

瀟湘雨打船篷別離中愁見拍天滄水攪天風
留不住終須去莫匆匆後夜一尊何處與誰同

愁倚欄

又名春光

人好遠路能長柰思量更放晚來些小雨做新涼
衰草低襯斜陽外水冷雲黃借使有腸也須斷盡况
無腸

又

淮水濶楚山長恨難量不道愁離人獨夜更天涼

佳節虛過重陽更籬下拆盡踈黃看取清溪三百曲
是回腸

滿庭芳

上張紫微

筆走龍蛇詞傾河漢妙年德藝雙成帝庭敷奏親擢
冠群英龍首其誰不取便直饒勲業崢嶸偏他甚
天來大一箇好聲名外憶曾瞻拜處當年汝水今日
湓城歎白首青衫又造賓閣謹贄詩文一卷仗仙風
吹到蓬瀛依歸地薰香摘艷作箇老門生

又次范傳憶洛陽梅

蘭畹霜濃柳溪冰咽春光先到江梅瘦枝踈萼特地
破寒開鈎引天涯舊恨雙眉鎖九曲腸回空銷黯放
園何在風月浸長淮當年吟賞處醉山顛倒飛屑

成堆怎柰向而今雨悞雲乖萬里難憑驛使那堪對
別館離盃誰知道洛陽詩老還有夢魂來

又

瘦頰凝酥殘粧弄酒相逢一笑東風並肩攜手羞落
可憐紅疑是回心院裏埋醉首吐作芳叢無端處雄
蜂雌蝶相美兩情通一從攀折後漢臯珮失銅雀
春空想挑葉挑根此恨能同多謝金鑾舊客收拾在
芸閣籤中還知否竊香傳粉輸與麝書蟲

又寄別

修竹接藍梅山聳翠小小佳處西安從來聞說今日
遠來看便好求田問舍耳溪澗日飽林巒爭知道塵
緣未了無計與盤桓小蠻應念處絃孤么鳳鏡掩

孤鸞愁再見多情素日閑閑早晚扁舟兩漿驚翠枕
雲巖風湍從前去慙慙細數萬重難

更漏子

鞦韆吟鞭歌醉帽行盡關山古道霜滿地水平田鴈兒
聲在天北沙門南浦岸望得眼穿腸斷桐樹巷夢
雲樓玉兒應也愁

又

燭銷紅窻送白冷落一衾寒色鷄喚起馬馳行月昏
衣上明酒香唇粧印臂竟夜人人共睡魂蝶亂夢
鸞孤知他睡穩無

木蘭花

送趙判官

陽關聲裏催行色馬情離羣人惜別入懷風月記街

杯迎步溪山供散策陰
斷渡江吹白晴壑吞雲天
放碧懸知詩興滿歸途三四野梅開的礫

又

尋春悞入桃源洞草草幽懽聊與共牢籠風月此時
情做造溪山今夜夢柳蹊未放金絲弄梅徑已經香
雪凍春愁離恨重於山不信馬兒馳得動

踏莎行

釵鳳搖金髻螺分翠銖衣穩東宮腰細綠柔紅小不
禁風海棠無力貪春睡
剪水精神怯春情意霓裳
一曲當時事五陵年少本多情爲何特地添憔悴

行香子

你也嬌癡我也狂迷望今生永不分離如何別後三

換梅枝是好相知不相見只相思
良辰美景賞心
樂事負我辜伊鳳絃再續鸞鑑重窺且等些時說些
子做些兒

畫堂春

寒蛩切切響空帷斷腸風葉霜枝鳳樓何處鴈書遲
空數歸期沈腰春瘦却成宋玉秋悲又還辜負菊花
時沒箇人知

攤破浣溪沙

落日秋風嶺上村全稀過鴈少行人正是悲傷愁絕
處更黃昏
漠漠野煙生碧樹漫漫衰草條黃雲借
使昔人行到此也銷魂

燕歸梁

樓外春風桃李陰
記一笑千金翠眉山
斂眼波侵情
滴滴怨深深
當初見了而今別後
算此恨難禁與
其向後兩關心
又何似而今

望江南

山又水雲巖帶風
灣斷鴈飛時
天指水亂鴉啼處
日
銜山疑在畫圖間
人漸遠
遊子損朱顏
別淚空沾雙
袖濕春心不放
兩眉閑
此去幾時還

青玉案

征鴻過盡秋容謝
捲離恨還東下
剪剪霜風落平野
溪山掩映水煙搖曳
幾簇漁樵舍
芙蓉城裏人如
畫
春伴春遊夜轉夜
別後知他如何也
心隨雲亂眼
隨天斷淚逐長江瀉

蝶戀花

別後相思無限
欲說相思要見終無計
擬寫相思持送似如何
盡得相思意
眼底相思心裏事
縱把相思寫盡憑誰寄
多少相思都做淚
一齊淚損相思字

又

寒卸園林春已透
紅著溪梅綠染前堤柳
見箇人人今感舊
引杯相屬蒲塘酒
金縷歌中眉黛皺
多少閑愁借與傷春瘦
明日馬蹄浮野秀
柳顰梅慘空回首

又

薄倖人人留不住
楊柳花時還是成虛度
一枕夢回

春又去海棠吹落胭脂雨
金鴨未銷香篆吐斷盡
柔腸看取沉煙縷獨上危樓凝望處
西山暝色連南浦

驀山溪

鶯鶯燕燕搖蕩春光懶時節近清明雨初晴嬌雲弄
煖醉紅濕翠春意釀成愁花似染草如剪已是春強
半小鬟微盼分付多情管癡騃不知愁相怕晚貪春
未慣主人好事應許玳筵開歌眉斂舞腰軟怎向輕
分散

又

小花靜院
縹緲更娉婷
筭不數歌朋無伴鳴珂
曲裏常記偶相逢無語恨有情
愁綠嫩紅粧淺別來

誰念人面關山遠
凝睇倚危樓
眼波長眉峯不展
一年心事到此向
誰論書鴈杳
夢雲深寂寞江天晚

又

醉魂初醒強起尋芳徑
一似楚雲歸
銷沒箇鱗書羽
信踈狂蹤跡虛度
可憐春陰還悶晴
還困贏得無端
病菱花寶鏡
拆破雙鸞影
別袖忍頻看
生怕見啼紅
醉粉而今憔悴瘦
立對東風紅成陣
綠成陰
况是春將盡

千秋歲

春工領略點破群花萼
對流景傷淪落
踏青心縷懶
病酒情懷惡
無奈處東風故故吹
簾幕
腕玉寬金
約一去音容
邈魚與鴈應難託
從前多少事
不忍思

量著心撩亂斜陽影在攔干角

傳信玉女

雪壓梅梢金裊柳絲輕
歛錦宮春早乍風和日暖華
國翠路九陌綺羅香滿連空
燈火滿城絃管
月射西樓更交光照夜宴
萬人擁路指鼇山共看花
旗翠帽到處朱簾高捲歸時
常是滿殘銀箭

金谷遺音終

珠玉詞目錄

謁金門

破陣子四

攤破浣溪沙十三

更漏子四

鵲踏枝二

點絳脣

鳳銜盃三

清平樂五

紅窓聽二

採柝子七

喜遷鶯五

撼庭秋

少年遊四

酒泉子二

木蘭花十

迎春樂

訴衷情八

胡搗練

殢人嬌三

踏莎行五

漁家傲十四

雨中花

瑞鷓鴣二

阮郎歸

望仙門三

長生樂二

蝶戀花七

拂霓裳三

菩薩蠻四

秋蘂香二

相思兒令三

清濟金

採柝子三

山亭柳

睿恩新二

玉堂春三

臨江仙

燕歸梁二

望漢月

連理枝二

珠玉詞目錄 畢

珠玉詞

謁金門

晏同叔

秋露墜滴盡楚蘭紅淚往事舊歡何意限思量如夢
寐人貌老於前歲風月宛然無異座有嘉賓樽有
桂莫辭終夕醉

破陣子

海上蟠桃易熟人間好月長圓惟有擘釵分鈿侶離
別常多會面難此情須問天蠟燭到明垂淚熏爐
盡日生烟一點淒涼愁絕意謾道秦箏有剩絃何曾
為細傳

又

鷺子欲歸時節高樓昨夜西風求得人閑成小會試

把金樽傍菊叢歌長粉面紅
斜日更穿簾幙微涼
漸入梧桐多少襟懷言不盡寫向蠻牋曲調中此情
千萬重

又

憶得去年今日
更花正滿東籬曾與玉人臨小檻共
折香英泛酒卮長條插髮垂
人兒不應遷換珍叢
又覩芳菲重把一樽尋舊徑所惜光陰去似飛風飄
露冷時

又

湖上西風斜日
荷花落盡紅英金菊滿叢珠顆細海
燕辭巢翅羽輕年年歲歲情
美酒一盃新熟高歌
數闋堪聽不向樽前同一醉可柰光陰似水聲迢迢

去未停

攤破浣溪沙

闌苑瑤臺風露秋整鬟凝思捧醪籌欲歸臨別強遲
留月好謾成孤枕夢酒闌空得兩眉愁此時情緒
悔風流

又

三月和風滿上林牡丹妖艷直千金惱人天氣又春
陰爲我轉回紅臉面向誰分付紫檀心有情須帶
酒盃深

又

青杏園林煮酒香佳人初著薄羅裳柳絲無力燕飛
忙乍雨乍晴花自落閑愁閑悶日偏長爲誰銷瘦

減容光

又

一曲新詞酒一盃
去年天氣舊亭臺
夕陽西下幾時
迴無可柰何
花落去似曾相識
燕歸來小園香徑
獨徘徊

又

紅蓼花香夾岸稠
綠波春水向東流
水船輕舫好追
遊漁父醉醒重
撥掉鴛鴦飛去
却回頭一盃銷盡
兩眉愁

又

淡淡梳粧薄薄衣
天仙模樣好容儀
舊歡前事入顰
眉閑役夢魂孤
燭暗恨無消息
畫簾垂且留雙淚

說相思

又

小閣重簾有燕過
晚花紅片落庭莎
曲攔干影入涼波
一霎好風生翠幕
幾回疎雨滴圓荷
酒醒人散得愁多

又

宿酒纔醒獸玉卮
水沉香冷嬾薰衣
早梅先綻日邊枝
寒雪寂寥初散後
春風悠颺欲來時
小屏開放畫簾垂

又

綠葉紅花媚曉烟
黃螺金蘂欲披蓮
水風深處嬾回船
可惜異香朱箔外
不辭清唱玉樽前
使星歸覲

九重天

又

湖上西風急暮蟬夜來清露濕紅蓮少留歸騎促歌
筵為別莫辭金盞酒入朝須近玉爐烟不知重會
是何年

又

揚柳陰中駐綵旌菱荷香裡勸金觥小詞流入筦絃
聲只有醉吟寬別恨不須朝暮促歸程雨條烟葉
繫人情

又

一向年光有限身等閑雜別易銷魂酒筵歌席莫辭
頻滿目山河空念遠落花風雨更傷春不知憐取

眼前人

又

玉腕冰寒滴露華
粉融香雪透輕紗
晚來粧面勝荷
花
鬢嬾欲迎眉際
月酒紅初上臉邊霞
一場春夢
日西斜

更漏子

薜華濃山翠淺
一寸秋波如剪紅
日永綺筵開暗隨
仙馭來
遏雲聲回雪袖
占斷曉鶯春柳
送目又
顰眉此情誰得知

又

塞鴻高仙露滿秋入銀河清淺
逢好客且開眉盛年
能幾時
寶箏調羅袖軟拍碎畫堂檀板
須盡醉莫

推辭人生多別離

又

雪藏梅烟着柳依約上春時候初送鴈欲聞鶯綠池
波浪生探花開留客醉憶得去年情味金盞酒玉
爐香任他紅日長

又

菊花殘梨葉墮可惜良辰虛過新酒熟綺筵開不辭
紅玉盃蜀絃高蕪篔脆慢颭舞娥香袂君莫笑醉
鄉人熙熙長似春

鵲踏枝

搵菊愁烟蘭泣露羅幙輕寒燕子雙飛去明月不諳
離苦恨斜光倒曉穿朱戶昨夜西風彫碧樹獨上

高樓望盡天涯路欲寄彩牋兼尺素山長水濶知何處

又

紫府群仙名籍秘五色斑龍暫降人間世海變桑田
都不記蟠桃一熟三千歲露滴彩旌雲逸袂誰信
壺中別有笙歌地門外落花隨水逝相看莫惜罇前
醉

點絳脣

露下風高井梧宮簾生秋意畫堂筵啓一曲笙歌綴
天外行雲欲去疑香袂爐烟起斷腸聲裡斂盡雙
蛾翠

鳳銜盃

青蘋昨夜秋風起無限箇露蓮相倚獨凭朱闌愁望
晴天際目斷遙山翠 綵牋長錦書細誰信道兩情
難寄可惜良辰好景歡娛地只任空憔悴

又

留花不住怨花飛向南園情緒依依可惜倒紅斜白
一枝枝經宿雨又離披 憑朱檻把金卮對芳叢惆
悵多時何況舊歡新恨阻心期滿眼是相思

又

柳條花類惱青春更那堪飛絮紛紛一曲鈿絲清脆
倚朱唇斟綠酒掩紅巾 追往事惜芳辰暫時閒留
住行雲端的自家心下眼中人到處裡覺尖新

清平樂

春花秋草只是催人老
總把千山眉黛掃
未抵別愁多少
勸君綠酒金盃
莫嫌絲管聲催
鬼走烏飛
不住人生幾度三臺

又

秋光向晚小閣初開
讌林葉殷紅
猶未徧
雨後青苔
滿院
蕭娘勸我金卮
殷勤更唱新詞
暮去朝來
即老
人生不飲何爲

又

春來秋去往事知
何處燕子歸
飛蘭泣露
光景千留
不住
酒闌人散
忡忡閑堦
獨倚梧桐
記得去年
今日
依前黃葉西風

又

金風細細葉葉梧桐墜綠酒初嘗入易醉一枕小窓
濃睡紫薇朱槿花殘斜陽却照闌干雙燕欲歸時
節銀屏昨夜微寒

又

紅牋小字說盡平生意鴻鴈穿雲魚在水惆悵此情
難寄斜陽獨倚西樓遙山却對簾鈎人面不知何
處綠波依舊東流

紅窓聽

淡薄梳粧輕結束天意與臉紅眉綠斷環書素傳情
久許雙飛同宿一餉無端分比目誰知道風前月
底相看未足此心終擬覓鸞絃重續

又

記得香閨臨別語彼此有萬重心訴淡雲輕靄知多
少隔桃源無處夢覺相思天欲曙依前是銀屏画
燭霄長歲此時何計託鴛鴦飛去

採桑子

春風不負東君信遍拆群芳燕子雙雙依舊銜泥入
杏梁 須知一盞花前酒占得韶光莫話匆忙夢裡
浮生足斷腸

又

紅英一樹春來早獨占芳時我有心期把酒攀條惜
絳蕤 無端一夜狂風雨暗落繁枝蝶怨鶯悲滿眼
春愁說向誰

又

陽和二月芳菲徧暖景溶溶戲蝶遊蜂深入千花粉
艷中 何人解繫天邊日占取春風免使繁紅一片
西飛一片東

又

櫻桃謝了梨花發紅白相催燕子歸來幾處風簾繡
戶開 人生樂事知多少且酌金盃管咽絃哀慢引
蕭娘舞袖迴

又石竹

古羅衣上金針樣綉出芳妍玉砌朱欄紫豔紅英照
日鮮 佳人画閣新粧了對立叢邊試摘婵娟貼向
眉心學翠鈿

又

時光只解催人老不信多情長恨離亭淚滴春衫酒
易醒 梧桐昨夜西風急淡月朧明好夢頻驚何處
高樓鴈一聲

又

林間摘遍雙雙葉寄與相思朱槿開時尚有山榴一
兩枝 荷花欲綻金蓮子半落紅衣晚雨微微待得
空梁宿燕歸

喜遷鶯

風轉蕙露催蓮鶯語尚綿蠻堯夔隨月欲團圓真馭
降荷蘭褰油幕調清樂四海一家同樂千官心在玉
爐香聖壽祝天長

又

畫一本作畫

歌歛黛舞縈風遲日象筵中分行珠翠簇繁紅雲髻
裊瓏璫金爐暖龍香遠共祝老齡萬萬曲終休解
畫羅衣留伴綵雲飛

又

花不盡柳無窮應與我情同航船一棹百分空何處
不相逢朱絃悄知音少天若有情應老勸君看取
利名場今古夢茫茫

又

燭飄花香掩燼中夜酒初醒画樓殘點兩三聲窗外
月朧明曉簾垂鶯鶯去好夢不知何處南園春色
已歸來庭樹有寒梅

又

曙河低斜月淡簾外早涼天玉樓清唱倚朱絃餘韻
入疎烟 臉霞輕眉翠重欲舞鈿釵搖動人人如意
祝爐香爲壽百千長

撼庭秋

別來音信千里帳此情難寄碧紗秋月梧桐夜雨夢
回無寐 樓高目斷天邊雲黯只堪憔悴念蘭堂紅
燭心長焰短向人垂淚

少年遊

重陽過後西風漸緊庭樹葉紛紛朱欄向曉芙蓉妖
艷特地鬪芳新 霜前月下斜紅淡藥明媚欲回春
莫持瓊萼等閑分留贈意中人

又

霜華浦樹蘭彫蕙慘秋艷入芙蓉
臙脂嫩臉金黃輕
藥猶自怨西風
前歡往事當歌對酒無限到心中
更憑朱檻憶芳容
腸斷一枝紅

又

芙蓉花發去年枝
雙燕欲歸飛
蘭堂風軟金爐香暖
新曲動簾帷
家人拜上千春壽
深意滿瓊卮
綠鬢朱顏道家粧
束長似少年時

又

謝家庭檻曉無塵
芳宴祝良辰
風流妙舞櫻桃清唱
依約駐行雲
榴花一盞濃香滿
為壽百千春
歲歲年年共歡同樂
嘉慶與時新

酒泉子

三月暖風開却好花無限了當時叢下落紛紛最愁
人長安多少利名身若有一盃香桂酒莫辭花下
醉芳茵且留春

又

春色初來遍拆紅芳千萬樹流鶯粉蝶鬪翻飛戀香
枝勸君莫惜縷金衣把酒看花須強飲明朝後日
漸離披惜芳時

木蘭花

東風昨夜回梁苑日脚依稀添一線旋開楊柳綠蛾
眉暗拆海棠紅粉面無情一去雲中鴈有意歸來
梁上燕有情無意且休論莫向酒盃容易散

又

簾旌浪卷金泥鳳宿醉醒來長
曾鬆海棠開後曉寒輕
柳絮飛時春睡重
美酒一盃誰與共
往事舊歡時節動
不如憐取眼前人
免更勞魂兼役夢

又

燕鴻過後鶯歸去
細算浮生千萬緒
長於春夢幾多時
散似秋雲無覓處
聞琴解佩神仙侶
挽斷羅衣留不住
勸君莫作獨醒人
爛醉花間應有數

又

池塘水綠風微暖
記得玉真初見面
重頭歌韻響錚琮
入破舞腰紅亂旋
玉鈎闌下香階畔
醉後不知斜日晚
賞時共我賞花人
點檢如今無一伴

又

玉樓朱閣橫金鎖寒食清明春欲破窓間斜月兩眉
愁簾外落花雙淚墮朝雲聚散真無那百歲相看
能幾箇別來將爲不牽情萬轉千迴思想過

又

朱簾半下香銷印二月東風催柳信琵琶旁畔且尋
思鸚鵡前頭休借問驚鴻去後生離恨紅日長時
添酒困未知心在阿誰邊滿眼淚珠言不盡

又

杏梁歸燕雙回首黃蜀葵花開應候画堂元是降生
辰玉盞更斟長命酒爐中百和添香獸簾外青蛾
回舞袖此時紅粉感恩人拜向月宮千歲壽

又

紫微朱棹繁開後
枕簟微涼生玉漏
玳筵初啓日穿簾
檀板欲開香蒲袖
紅衫侍女頻傾酒
龜鶴仙人來獻壽
歡聲喜氣逐時新
青髮玉顏長似舊

又

春葱指甲輕攏撚
五彩條垂雙袖捲
雪香濃透紫檀槽
胡語急隨紅玉腕
當頭一曲情無限
入破錚琮金鳳戟
百分芳酒祝長春
再拜斂容搗粉面

又

紅縵約束瓊肌穩
拍碎香檀催急袞
壠頭嗚咽水聲繁
葉下間關鶯語近
美人才子傳芳信
明月清風傷別恨
未知何處有知音
長爲此情言不盡

迎春樂

長安紫陌春歸早，鞦韆垂揚，染芳草。被啼鶯語燕催清
曉。正好夢頻驚覺。當此際，青樓臨大道，幽會處，兩
晴多少。莫惜明珠百琲，占取長年少。

訴衷情

青梅煮酒鬪時新，天氣欲殘春。東城南陌，花下逢著
意中人。回綉袂，展香茵，叙情親。此情拚作，千尺游
絲，惹住朝雲。

又

東風揚柳欲青青，烟淡雨初晴。惱他香閣濃睡，撩亂
有啼鶯。眉葉細，舞腰輕，宿粧成。一春芳意，三月和
風，牽繫人情。

又

芙蓉金菊闌馨香天氣欲重陽遠村秋色如畫紅樹
間踈黃 流水淡碧天長路茫茫憑高目斷鴻鴈來
時無限思量

又

數枝金菊對芙蓉零落意重重不知多少幽怨和露
泣西風 人散後月明中夜寒濃謝娘愁卧潘令閑
眠心事無窮

又

露蓮雙臉遠山眉偏與淡粧宜小庭簾幙春曉閑共
柳絲垂 人別後月圓時信遲遲心心念念說盡無
憑只是相思

又

秋風吹綻北池蓮
曙雲樓閣鮮
畫堂今日嘉會齊
拜玉爐烟
斟美酒祝芳筵
奉觥船
宜春耐夏多福莊
嚴富貴長年

又

世間榮貴月中人
嘉慶在今辰
蘭堂簾幙高捲清唱
過行雲
持玉盞
飲紅巾
祝千春
榴花壽酒金鴨爐
香歲歲長新

又

海棠珠綴一重重
清曉近簾櫳
脂誰與勻淡
偏向臉邊濃
看葉嬾惜花紅
意無窮
如花侶
葉歲歲年年
占取春風

胡搗練

小桃花與早梅花盡是芳妍品格未上東風先拆分
付春消息 佳人釵上玉樽前朶朶穠香堪惜誰把
彩毫描得免恁輕拋擲

帶人嬌

二月春風正是揚花蒲路那堪更別離情緒羅巾掩
淚低粉痕霑汗爭奈向千留萬留不住 玉酒頻傾
宿眉愁聚空腸斷寶箏絃柱人間後會又不知何處
魂夢哀也須時時飛去

又

玉樹微涼漸覺銀河影轉林葉靜疎紅欲徧朱簾細
雨尚遲留歸燕嘉慶日多少世人良願 楚竹驚鸞
秦箏起鴈縈舞袖急翻羅薦雲回一曲更輕攏檀板

香炷遠同祝壽期無限

又

一葉秋高向夕紅蘭露墜風月好乍涼天氣長生此
日見人中嘉瑞斟壽酒重唱妙聲珠綴鳳筵移宮
鈿衫迴袂簾影動鵲爐香細南真寶籙賜玉京千歲
良會永莫惜流霞同醉

踏莎行

細草愁烟幽花怯露凭攔總是銷魂處日高深院靜
無人時時海燕雙飛去帶緩羅衣香殘蕙炷天長
不禁迢迢路垂楊只解惹春風何曾繫得行人住

又

祖席離歌長亭別宴香塵已隔猶回面居人匹馬快

林嘶行人去掉依波轉
画閣魂消高樓目斷斜陽
只送平波遠無窮無盡是離愁
天涯地角尋思遍

又

碧海無波瑤臺有路思量使合雙飛去
當時輕別意中人山長水遠知何處
綺席凝塵香閨掩霧紅牋
小字憑誰附高樓日盡欲黃昏
梧桐葉上蕭蕭雨

又

綠樹歸鶯雕梁別燕時光一去如流電
當時對酒莫沉吟人生有限情無限
弱袂縈春修蛾寫怨秦箏
寶柱頻移鴈罇中綠醕意中人
花朝月夜長相見

又

小徑紅稀芳郊綠遍高臺樹色陰陰見
春風不解禁

揚花濛濛亂撲行人面
翠葉藏鶯朱簾隔燕爐香
靜逐游絲轉一場愁夢酒醒時斜陽却照深深院

漁家傲

散

畫鼓聲中昏又曉時光只解催人老求得淺歡風日
杳好齊揭調神仙一曲漁家傲
綠水悠悠天杳杳
浮生豈得長年少莫惜醉來開口笑須信道人間萬
事何時了

又

荷葉荷花相間闢紅嬌綠嫩新粧就昨日小池疎雨
後鋪錦綉行人過去頻回首
倚遍朱闌凝望久鴛
鴦浴處波紋皺誰喚謝娘斟美酒紫舞袖當筵勸我
千長壽

下猶字一作須

又

荷葉初開猶半捲
荷花欲拆猶微綻
此葉此花真可羨
秋水畔青涼繖映紅粧面
美酒一盃留客宴
拈花摘葉情無限
苦恨世人多聚散
頻祝願如花似葉長相見

又

楊柳風前香百步
盤心碎點真珠露
疑是水仙開洞府
粧景趣紅幢綠蓋朝天路
小鴨飛來稠鬧處
三兩兩能言語
飲散短亭人欲去
留不住黃昏更下瀟瀟雨

又

彩筆丹青描未得
金針彩線功難敵
誰傍暗香輕採

摘風浙浙船頭觸散雙鷓鴣
夜雨染成天水碧朝
陽借出胭脂色欲落又開人
共惜秋氣逼盤中已見
新蓮筠的

又

葉下鷓鴣眠未穩風翻露
飈香成陣仙女出遊知遠
近羞借問饒將綠扇遮紅
粉一掬蘂黃霑雨潤天
人乞與金英嫩試折亂條
醒酒困應有恨芳心拗盡
絲無盡

又

罨畫溪邊停彩舫仙娥繡
被呈新樣颯颯雨聲來一
餉愁回望殘紅片片隨波
浪瓊臉麗人青步障風
牽一袖低相向應有錦鱗
閑倚傍秋水上時時綠柄

鬢

輕搖颺

又

宿藥鬪攢金粉闌青房暗結絳兒小歛面侶啼開侶
笑天與兒人間不是鉛華少 華軟香清無限好風
頭日脚乾催老待得玉京仙子到憑向道紅顏只合
長年少

又

臉傳朝霞衣剪翠重重占斷秋水一曲採蓮風細
細人未醉鴛鴦不合驚飛起 欲摘嫩條嫌綠刺閑
敲画扇偷金藥半夜月明珠露墜多少意紅腮點點
相思淚

又

間一作艷

越女採蓮江北岸
輕橈短棹隨風便
人兒與花相鬪
間流水慢時時
照影看粧面
蓮葉層層張
綠織蓮房箇箇垂
金盞一把藕絲牽
不斷紅日晚
回頭欲去心撩亂

又

粉面啼紅腰束素
當年拾翠曾相遇
密意深情誰與
訴空怨暮西池
夜夜風兼露
池上夕陽籠碧樹
池中短棹驚微雨
水泛落莫何處去
人不悟東流到了無
停住

又

幽鷺慢來窺
品格雙魚豈解傳
消息綠柄嫩香頻
採摘心如織
條條不斷誰牽役
粉泪暗和清露滴
羅

衣染盡秋江色對面不言情脉脉烟水隔無人說
侶人相憶

又

楚國細腰元自瘦文君膩臉誰描就日夜鼓聲催箭
漏昏復晝紅顏豈得長無舊醉折嫩房和藥嗅天
絲不斷清香透却傍小闌凝坐久風蒲袖西池月上
人歸後

又

嫩綠堪裁紅欲綻蜻蜓點水魚遊畔一霎雨暗香四
散風颺亂高低掩映千千万總是凋零終有恨能
無眼下生留戀何侶折來粧粉面動看翫勝如落盡
秋江岸

雨中花

剪翠妝紅欲就折得清香滿袖一對鴛鴦眠未足葉
下長相守莫傍細條尋嫩藕怕綠刺刺胃衣傷手可
惜許月明風露好恰在人歸後

瑞鷓鴣

越娥紅淚泣朝雲越梅從此學妖嬈臆月初頭庾嶺
繁開後持染妍華贈世人前溪昨夜深深雪朱顏
不掩天真何時驛使西歸寄與相思客一枝新報道
江南別樣春

又

江南殘蠓欲歸時有梅紅亞雪中枝一夜前村間破
瑤英拆端的千花冷未知丹青改樣勻朱粉彫梁

欲盡猶疑何妨與向冬深密種秦人路夾仙溪不待
天挑客自迷

阮郎歸

南園春半踏青時風和聞馬嘶青梅如豆柳如眉日
長蝴蝶飛花露重草烟低人家簾幙垂秋千慵困
解羅衣画梁雙燕飛

望仙門

紫微枝上露華濃起秋風管絃聲細出簾櫳象筵中
仙酒斟雲液山歌轉繞梁虹此時佳會慶相逢慶
相逢歡醉且從容

又

玉壺清漏起微涼好秋光金盃重疊蒲瓊漿會仙鄉

新曲調絲管新聲更颺霓裳博山爐暖泛濃香泛
濃香爲壽百千長

又

玉池波浪碧如鱗露蓮新清歌一曲翠眉頻舞華茵
浦酌蘭英酒須知獻壽千春太平無事荷君恩荷
君恩齊唱望仙門

長生樂

玉露金風日正臺榭早涼天画堂嘉會組綉列芳
筵洞府星辰龜鶴來添福壽歡聲喜色同入金爐泛
濃烟清歌妙舞急管繁絃榴花浦酌觥船人盡祝
富貴又長年莫教紅日西晚番著醉神仙

又

觴一作賜

闈苑神仙平地見碧海架蓬瀛洞門相向倚金鋪微
明處處天花撩亂飄散歌聲裝真筵壽觴與流霞蒲
瑤觥紅鸞翠節紫鳳銀笙玉女雙來近彩雲隨步
朝夕拜三清為傳王母金籙千歲得長生

蝶戀花

一霎秋風驚画扇艷粉嬌紅尚拆荷花面草際露垂
蟲響徧珠簾不下留燕歸掃掠亭臺開小院四座
清歡莫放金盃淺龜鶴命長松壽遠陽春一曲情千
萬

又

紫菊初生朱槿墜月好風清漸有中秋意更漏乍長
天似水銀屏展画遙山翠綉幕卷波香引穗急筦

画一作畫

空處一作春

繁絃共慶人間瑞
滿酌玉盃縈舞袂
南祝壽千千歲

又

簾幙風輕雙語燕
午醒醉來柳絮飛
撩亂心事一春猶未見
餘花落盡青苔院
百尺朱樓閑倚徧
薄雨濃雲抵死遮
人面消息未知歸
早晚斜陽只送平波遠

又

六曲闌干隈碧樹
楊柳風輕展盡黃金縷
誰抱鈿箏移玉柱
穿簾海燕雙飛去
滿眼游絲兼落絮
紅杏開時一霎清明雨
濃睡覺來人不語
驚殘好夢無尋處

又

玉腕冰寒銷暑氣碧簾紗幪向午朦朧睡鶯舌惺鬆
如會意無端画扇驚飛起 雨後初涼生水際人面
荷花的的遙相似眼看紅房猶抱藥叢中已結新蓮
子

又

梨葉疎紅蟬韻歇銀漢風高玉管聲淒切枕簟乍涼
銅漏咽誰教社燕輕離別 草際蛩吟珠露結宿酒
醒來不記歸時節多少衷腸猶未說朱簾一夜朦朧
月

又

南鴈依稀迴側陣雪霽墻陰遍覺蘭芽嫩中夜夢餘

銷酒困爐香卷穗燈生暈
急景流年都一瞬往事
前歡未免索方寸臆後花期知漸近寒梅已作東風
信

拂霓裳

慶生辰慶生辰是百千春雅宴畫堂高會有諸親鈿
函封大國五色受絲綸感皇恩望九重天上拜堯雲
今朝祝壽祝壽數比松椿斟美酒至心如對月中
人一聲檀板動一炷蕙香焚禱仙真願年年今日喜
長新

又

喜秋成見千門萬戶樂昇平金風細玉池波浪縠文
生宿露霑羅幙微涼入畫屏張綺宴傍熏爐蕙炷和

新聲 神仙雅會此日象蓬瀛管絃清旋翻紅袖學
飛瓊光陰無暫住歡醉有閑情祝長星百千爲壽獻
瑤觥

又

樂秋天晚荷花上露珠圓風日好數行新鴈貼寒烟
銀簧調脆堯瓊柱撥清絃捧觥船一聲聲齊唱太平
年 人生百歲離別易會逢難無事日剗呼賓友啓
芳筵星霜催綠髮風露損朱顏惜清歡又何妨沉醉
玉樽前

菩薩蠻

芳蓮九葉開新艷輕紅嫩白勻雙臉一朵近華堂學
人宮樣粧 看時斟美酒共祝千年壽銷得曲中誇

世間無此花

又

秋花最是黃葵好天然嫩態迎秋早
染得道家衣淡粧梳洗時
曉來清露滴一一金盃側
插向綠雲鬟便隨王母仙

又

人人盡道黃葵淡儂家解說黃葵艷
可喜萬般宜不勞朱粉施
摘承金盞酒勸我千長壽
擎作女真冠試伊嬌面看

又

高梧葉下秋光晚玳瑁花出黃金盞
還似去年時傍闌三兩枝
人靜須耐久花面長依舊
莫學蜜蜂兒

等閑悠颺飛

秋藥香

梅藥雪殘香瘦羅幙輕寒微透多情只似春楊柳占
斷可憐時候 蕭娘勸我盃中酒翻紅袖金烏玉兔
長飛走會得朱顏依舊

又

向曉雪花呈瑞飛遍玉城瑤砌何人剪碎天邊挂散
作瑤田瓊藥 蕭娘歛盡雙蛾翠迴香袂今朝有酒
今朝醉遮莫更長無睡

相思兒令

昨日探春消息湖上綠波平無奈繞堤芳草還向舊
痕生 有酒且醉瑤觥更何妨擅板新聲誰教楊柳

千絲就中牽繫人情

又

春色漸芳菲也遲日滿烟波正好艷陽時節爭柰落花何
醉來擬恣狂歌斷腸中贏得愁多不如歸傍
紗窓有人重画雙蛾

滴滴金

梅花漏泄春消息柳絲長草芽碧不覺星霜鬢邊白
念時光堪惜 蘭堂把酒留嘉客對離筵駐行色千
里音塵便踈隔合有人相憶

採桑子

三首重前

古羅衣上金針樣繡出芳妍玉砌朱蘭紫艷紅英照
日鮮 佳人画閣新粧了對立叢邊試摘婢娟貼向

眉心學翠鈿

又

時光只解催人老不信多情長恨離亭
淚滴春山酒易醒
梧桐昨夜西風急淡月朧明好夢頻驚
何處高樓鴈一聲

又

林間摘遍雙雙葉寄與相思朱槿開時
尚有山榴一兩枝
荷花欲綻金蓮子半落紅衣晚雨微微
待得空梁宿燕歸

山亭柳

家住西秦賭博藝隨身花柳上闌尖
新偶學念奴聲調有時高遏行雲
蜀錦纏頭無數不負辛勤
數年

來往咸 京道殘盃冷炙謾銷魂裏腸事託何人若
有知音見采不辭遍唱陽春一曲當筵落淚重掩羅
巾

睿恩新

芙蓉一朵霜秋色迎曉露依依先拆似佳人獨立傾
城傍朱檻暗傳消息 靜對西風脉脉金藥綻粉紅
如滴向蘭堂莫厭重深免清夜微寒漸逼

又

紅絲一簇傍堦砌珠露下獨呈纖麗剪紋綃碎作香
英分彩線簇成嬌藥 向晚群花欲悴放朶朶侶延
秋意待佳人挿向釵頭更裊裊低臨鳳髻

玉堂春

帝城春暖御柳暗遮空苑
海燕雙雙拂颺簾
攏女伴相携共逸林間路
折得櫻桃挿髻紅
昨夜臨明微雨
新英徧舊叢
寶馬香車欲傍西池看
處處揚花滿袖風

又

後園春早殘雪上尚朦烟草數樹寒梅欲綻香英
小妹無端拚盡釵頭朶
蒲把金樽細細傾
憶得往年同伴
沉吟無限情惱
亂東風莫便吹零落
借取芳菲眼
下明

又

千城池館二月風和烟煖
綉戶珠簾日影初長
玉轡金鞍繚繞沙堤路
幾處行人映綠楊
小檻朱闌回

倚千花濃露香脆館清絃欲奏新翻曲依約林間坐
夕陽

臨江仙

資善堂中三十載舊人多是凋零與君相見最傷情
一樽如舊聊且話平生此別要知須強飲雪殘風
細長亭待君歸覲九重城帝宸思舊朝夕奉皇明

燕歸梁

雙燕歸飛遶畫堂侶留戀虹梁清風明月好時光更
何況綺筵張雲衫侍女頻傾壽酒加意動笙簧人
人心在玉爐香慶佳會祝延長

又

金鴨香爐起瑞烟呈妙舞開筵陽春一曲動朱絃斟

美酒凝觥船 中秋五日風清露爽猶是早涼天蟠桃
花發一千年祝長壽比神仙

望漢月

千縷萬條堪結占斷好風良月謝娘春晚先多愁更
撩亂絮飛如雪 短亭相送處長憶得醉中攀折年
年歲歲好時節怎奈尚有人離別

連理枝

玉宇秋風至簾幙生涼氣朱槿猶開紅蓮尚拆芙蓉
含藥送舊巢歸燕拂高簷見梧桐葉墜 家宴凌晨
啓金鴨風飄香細鳳竹鸞絲清歌妙舞盡呈游藝願
百千遐壽比神仙有年年歲歲

又

綠樹陰聲老金井生秋早不寒不暖裁衣按曲天時
正好况蘭堂逢著壽筵開見爐香縹緲組繡呈織
巧歌舞誇妍妙玉酒頻傾朱絃翠管移宮易調敲金
盃重疊祝長生永逍遙奉道